

王先謙敬編

臣周潤
編校

乾隆四十二年丁酉春正月己巳免甘肅二十三年至三十五年
民欠銀八十四萬有奇○丁丑賜阿布賚敕諭曰爾使鄂托爾
等朝覲京師呈爾所奏托忒自表文內稱爾願將數世徵貢
什罕三萬戶人丁獻納等語所奏非是前者爾使鄂托爾齊
犁將此事呈請將軍將軍知爾心存僥倖剖晰情理行文飭
到時朕謂其所辦甚當今爾使鄂托爾齊來京復以此爲請則
爾僥倖之念尙未止息朕統一區宇爾哈薩克布魯特
延回衆皆朕臣僕朕一視同仁毫無偏向從前爾因爭塔什
地向霍罕額爾德尼構兵因遣都勒特克喀前來請援經

軍飭駿朕曾降旨宣示爾今復以塔什其爲爾數世徵貢

欲納於朕是爾從前無力爭奪其假大朝威力以取之耳爾

克與塔什罕皆係朕之臣僕豈肯爲爾攻彼乎況爾欲

謀塔什

即允所請儻他部中如有欲謀取爾哈薩克者朕亦將

尤其調乎

汝惟知多方謀取塔什罕以供饒倖而並未實計其不害殊屬

是阿布賚汝奉朕此諭惟宜善自保守游牧結好鄰邦以期不荷

朕恩斷不可妄生覬覦構禍鄰國也再爾使鄂托爾齊所呈表文

內稱哈薩克阿渾曾言經內有云白帽之人屏逐默克哈薩克布

魯特等深懼斯言情願永爲臣妾惟祈不爲屏逐等語斯言甚怪

異不知從何而起諒必因我兵新滅金川前此將軍伊圖會遣

阿爾使其我兵乘勝並將哈薩克辦理是以假借經文託詞嘗試

則是爾未知朕撫綏之意而妄自疑懼矣夫天朝之於外藩恭順

則撫恤之賜張則罰滅之邇來大小金川貢朕厚恩忽怠侵鄰遂
加天罰乃不知儆懼復敢抗拒王師始命將以師殄滅小醜耳今
爾等降克歸順已久朕方加惠撫恤豈肯無故卽加屏逐且屏逐
爾等空其土地將復畀之何人朕已諭將軍傳諭爾等然非朕親
諭不足以釋汝之疑朕故特降諭旨發往阿布賚惟期永荷朕恩
恭順是效毋得妄行億逆以自速禍也特諭○辛巳以 皇太后
聖躬不豫詣長春仙館問安奉 皇太后幸同樂園侍晚膳已是
日始每日詣長春仙館問安○甲申以緬甸得魯蘊諫請納款命
長青仍駐雲南○乙酉諭緬甸自撤兵以來已經八年每歲沿邊
派人駐守焚屬不成事體而其地水土惡劣朕意又不欲用兵惟
嚴令各關隘絕其貿易稍足使知畏懼耳但向來雖有禁遏一名
仍恐具文塞責徒爾因循歲月總未能完此事之局原擬

爲雲貴總督前往經理邊務其事庶可已茲據圖思德
倫薩駁已死其子贅角牙襲職前據該處頭目得魯蘊具稟
等稱情願送還內地之人輸誠納貢懇請開關隨遣來人先回
俟其到關再定今修張鳳街辦事之騰越州知州吳堦稟稱派送
孟矣等出口之擺夷南多木比等回關據稱孟矣等主老官克向
該頭目蓋拉機稱楊大皇帝威德嚴重及地方廣大富庶光景該
頭目蓋爲感畏孟矣等即日登舟赴阿瓦聞得魯蘊見在阿瓦料
理貢物並將蘇爾相多朝相接付阿瓦要同楊重英俱從大馬關
送還內地並欲親自到關叩懇納貢等語細匪果知悔罪投誠還
人獻貢自可就此完事但受降通市及善後章程必須曉事之重
臣相度妥辦方能合機宜而符體制著阿松卽速馳驛前往雲南
辦理受降諸事完竣卽行回京至開關以後沿邊一切事宜均關

奏安邦國思德所能經理所有雲貴總督員缺著李侍堯調補兩廣總督員缺著楊景素補授山東巡撫員缺著郝碩補授圖思德著調貴州撫之任裴宗錫著回雲南巡撫之任郝碩見任四川辦理軍需奏銷之事尙未能卽赴新任所有山東巡撫印務著國泰暫行護理○丙戌以孫含中爲浙江布政使日陝西按察使遷○丁亥

濬山東汶上縣宋家窪河道○以王時黨爲陝西按察使

由糧道遷○

己丑刑部議奏定擬奏秦廷基一案已革布政蘇爾德等罪名諭

此案秦廷基袒護屬員稟懇總督求免間擬斬罪實所應得然竊其情節尙較康坦揀換犯教供營私作弊者稍覺有閒即照例解京辦理朝審時尙不至干旬或數年後發往新疆效力並不至久繫囹圄乃不將伊卽行收禁致令在寓自戕黃邦甯復敢移屍獄中捏報病故實出情理之外若非吳虎以據實參奏則上下相蒙

伊於何底然吳虎炳亦因李侍堯近在東省恐其覺察自了罪戾
不得不和盤托出耳總由粵西官官私護惡習錮蔽已久爲元耶
所不容故爾盡行敗露實皆若輩之自罹法網其黃邦甯一犯尤
屬罪無可道業於旬到時明正典刑至原署臬司之周升桓藩司
蘇爾德臬司廣德均有應得之罪因拏解來京並提熊學鵬到京
交刑部一併質訊今據刑部審明定擬具奏朕披閱供情詳加覆
定當奏廷其結案時周升桓正署臬司豈不知該犯問擬重罪理
應卽行收監乃託辭熊學鵬未將奏臬行知又未飭令收禁此等
諛詞豈能御罪刑部擬以發往軍臺效力自屬允當卽著照所擬
行至熊學鵬審擬奏廷其恐擬以輕罪不能逃朕洞鑒故不敢不
將該犯擬斬而奏廷其在省未經收禁並非不知故作朦朧不爲
查察是其定讞雖似執法而於該犯仍不免徇情熊學鵬亦不可

置辨但已經革職查產足蔽厥辜熊學鵬著仍往四川辦理軍需
奏端以觀後效至蘇爾德順德俱係滿洲世族尤當實心辦公且
蘇爾德曾任巡撫後因獲罪罷斥復經棄瑕錄用用爲藩司自應
屏絕情面以圖報效當黃邦甯因秦廷基在寓自縊赴署面商伊
護理巡撫卸事未久若能持正阻止黃邦甯必不敢徑行作弊其
移屍之意倡自何人黃邦甯已死無可對質但蘇爾德明知黃邦
甯欲行掩飾彌縫聽從弊混與誘人犯法何異即立置重辟尙復
何辭廣德身任臬司秦廷基定罪時廣德旣以爲定擬過重尙能
學鵬爭執不從臬司原有奏事之責何妨就已見陳奏候朕裁奪
乃在外惟以辨論沽名而在朕前又不敢據實入告已屬不堪及
兩次傳旨詢問復敢巧詞隱飾意涉欺罔照例斬決亦無可貸但
朕臨御至今從不肯輒興大獄從前如錢良弼貪婪敗檢之案尙不

欲稍有株連況此案康坦嶽黃邦甯二犯已經句決蘇爾德廣德
無庸卽予駢誅均著從寬改爲應斬監候秋後處決餘依議朕新
理刑獄從不豫設成心輕重悉視其人之自取至外省吏治袒護
徇私皆所不免今就已破之案懲一儆百各省督撫司道俱當倍
加儆惕勿負朕諄切告誡之意將此通諭知之○庚寅子刻 皇
太后疾大漸 上至長春仙館問侍丑刻 皇太后崩 上哀號
擗踊命誦黃輿公奉 大行皇太后還宮 上親扶安奉 慈甯
宮正殿 大行皇太后大殮 上痛哭失聲行奠獻禮侑食如視
膳時命以含清齋爲倚廬席地寢苦諸王大臣懇請還宮不允○
是日丑刻奉 大行皇太后遺詔曰予以溥德祇膺 吳蒼眷佑
列聖篤祥誕育帝躬丕紹 鴻緒今皇帝秉性仁孝承歡養志
克敬克誠視膳問安晨夕靡閒每當巡幸所致必掖輦同行親見

億兆呼嵩尊親並篤合萬國歡以天下養信可謂之兼備矣且木
蘭秋獨前期必奉予幸避暑山莊以協夏清之禮新正御園慶節
必奉予駐長春仙館以愜宴賞之情至凡遇萬壽大慶必躬自起
舞以申愛敬每當宮庭侍宴必親製詩畫以博欣愉予因益怡樂
康強頤和晚景又見皇帝神武懋昭廟謨廣運平定準夷回部廣
拓幅員而近年征勦兩金川宵旰焦勞運籌五載大功幸得告成
皇帝之心始寬予懷亦因以大慰方謂際此海宇乂甯豐登迭奏
予更得長延景福葆養天和惟念年齒日高未免桑榆景迫深惕
於衷猶幸體氣素強精神未耗期頤或可漸臻皇帝每見予康健
如常喜形於色詎意昨者偶遭寒疾溘至沈痾皇帝侍藥聞安憂
心時切日叩 天祐保佑祈予速就痊可予亦思調理向愈以安
皇帝之心不期延至二十三日丑時大歿垂盡遂至彌留予壽已

八十有六母儀尊養四十二年因集勛懿美而三晉徽稱邁萬壽
祺釐而三舉慶典中外一統五世同堂稽之史冊實罕倫比今予
福壽考終夫復何憾惟念皇帝孝思肫篤久侍膝下孺慕終身今
大故忽嬰廬必過於悲痛宜勉自節哀勿致稍毀惟當以國事爲
重中外文武羣臣恪恭奉職共襄郅治千靈爽庶少安焉其喪制
悉遵典禮皇帝持服當依以日易月之例二十七日而除 天

地 宗廟 社稷之祭不可久疏百神羣祀亦不可輟故茲詣諭
其各遵行○諡朕蒙 聖母皇太后鞠育恩慈情深罔極臨御四
十二年承 歡奉養深荷 慈愉且見 聖母動履康強不煩扶
掖私心慶慰第壽日益高萬年豈真可祝欣喜之餘並不敢仔孔
予一則以懼之想惟有誠祈 天佑益冀延祺而朕躬愛日之惓
忱實無能一刻稍置今春恭奉 皇太后幸御園初九日於九州

清宴侍 膳觀鑑五世一堂同伸歡忭是日 慈顏康豫不減常年朕方慶幸以望七之齡得侍望九 聖母實從來史冊所未有十一日進宮齋戒十四日 祈穀禮成回御園請 安知 聖母偶爾違和旋進薄藥調治體亦稍安不意疾尋反復 聖母猶不欲令朕知 慈躬病劇恐朕憂煩然自是疾日以增急難平復朕昨兩次詣 寢宮問 安 聖母言笑如常惟氣力稍覺疲倦

諭朕云願養數日可卽就痊朕亦冀可克副 慈諭詎意將及夜分痰忽上湧遂至大漸遽於二十三日丑時 仙馭升遐奄棄朕躬一何迅速昨日未時 安以後竟無由再仰 懿顏呼天搶地痛何能極朕嘗命皇六子推測算法云乾隆五十一年六十年皆正旦日食朕私計以五十一年丙午 皇太后春秋已九十有五朕年亦七十有六是歲或遇 聖母大事雖未滿百歲而已屆

期頤且係人生必有之事庶稍無憾其六十年乙卯則係朕當歸政之年均可以應懸象孰意距丙午尙十年 皇太后忽爾賓天竟不能遂朕之願則朕將來歸政亦恐難如奢望此究係朕心不誠未能仰邀天鑒今呼號無及哀痛之外更復何言至於孝服日期 皇太后遺詔令朕止穿孝二十七日然追憶雍正十三年遭皇考大故朕欲持服三年因奉 聖母慈諭止令穿孝百日朕卽遵從今值 皇太后之事朕仍當依 前諭穿孝百日其餘王公大臣官員等並照例二十七日而除所有 大喪禮儀著派皇四子永城皇六子永瑩莊親王永琿協辦大學士尙書英廉尙書永貴尙書邁柱邁侍郎金簡管理其一切應行事宜並著詳稽舊典悉心敷議隨時具奏至於 聖母慈愛朕躬每 諭朕勿過憂勞惟當以國事爲重今朕遭此大故雖不能節哀亦不敢過毀

至國事所繫惟當益勉孜孜朝夕惕以副天下臣民之望以慰
聖母在天之靈將此通諭中外知之○辛卯諭尊 大行皇太
后諡號爲 孝聖憲皇后○諭前因 聖母萬壽特宏錫類之仁
普錫各省錢糧以昭慶惠朕本欲俟恭祿 聖母九旬萬壽之年
再溥 恩施一次茲者 仙馭升遐此後更無可推廣 慈仁之
處見在部庫帑項又積至七千餘萬著加恩自戊戌年爲始普蠲
天下錢糧仍分三年輪免俾寰宇億兆人民仍得共被 慈恩永
申哀慕而朕終天罔極之忱雖不能仰酬萬一庶藉茲稍展其如
何輪派年分著戶部卽速悉心覈奏遵行○諭軍機大臣等向來
各督撫鹽政關差織造等於年節慶典每備物呈進雖屢經飭禁
而諸臣仍有再三懇請以盡悃忱者朕亦難以固拒因閱收一二
以備賞賚之用今奄遭 皇太后大事五中摧絕哀痛難窮永無

奉侍承 歡之日卽遇佳時令節方觸景傷情彌增悲痛豈復能
行饗宴賞著傳諭各督撫鹽政等今年槩不許呈進貢品如或不
遵以違制論其各仰體朕意恪奉毋違○諭昨據禮部奏 大行
皇太后喪儀二十七日之內所有 社稷壇等祭祀援照雍正九
年 孝敬憲皇后喪儀素服致祭樂設而不作等因朕以 郊
廟大祀典禮綦重似不應因大喪而稍略其禮因令重機大臣查
明具奏茲據奏稱會典所載康熙年間 列后之事遇大祀典祭
日卽穿朝服作樂禮部此奏未將遠年舊例細查僅引雍正九年
乾隆十三年近年之例所辦原未周到今公同酌議二十七日之
內如遇 郊 廟大祀仍作樂穿朝服行禮其餘尋常祭祀均用
素服致祭樂設而不作等語所奏甚是 孝敬憲皇后聖母大事
係九月二十九日翌日卽遇孟冬時享 太廟彼時禮官或因爲

期太近不及詳查會典從權率辦本不可據以爲例至孝賢皇后喪事係三月十一日至中秋祭祀已在百日以外尤不當引雍正年間二十七日以內之例其時禮部所辦本屬未協朕亦忽略有過未爲覈定今既知其誤自應更正著照軍機大臣所議二十七日內如遇郊廟社稷壇及日月壇諸大祀雖係遣官致祭仍當作樂穿朝服行禮其餘尋常祭祀均用素服致祭樂設而不作方爲允當著交禮部卽照此辦理其從前誤辦之案不必存案卽以此著爲令典○詔雍正十三年皇考龍馭上賓朕欲持服三年羣臣請循以日易月之制朕皆未允嗣奉聖母慈諭令朕持服百日因卽遵行然百日釋服後仍素服滿二十七月今遵聖母大故自應仍遵懿旨持服百日昨已明降諭旨矣其素服二十七月亦照前例惟遇壇廟大祀行禮及致齋三日

閱視 祝版先期詣 壇並視朝聽政諸事朕從前惟準理而行
並未載在令典此時當詳議及之又如王公大臣官員持服二十
七日而除素服則滿百日至百日後用何服色及陪祀齋戒常朝
坐班並一切典禮應如何定制亦當酌定章程頃檢閱雍正十三
年王大臣等所定條款頗爲該括著將原摺交軍機大臣會同辦
理喪儀王大臣等悉心詳議具奏○乙未尊 大行皇太后陵曰
泰東陵○丙申恭移 大行皇太后梓宮於暢春園安奉 九經
三事殿 上居圓明園

二月丁酉朔 上詣 安佑宮行告哀禮○戊戌 上居無逸齋
苫次○諭朕從前原欲於皇孫內遣派一人恭赴 泰陵承祀因
仰體 皇太后高年以孫曾纓膝爲樂 聖意不欲其遠離是以
未經辦及今遭 大行皇太后大事見在敬辦 泰東陵工程卽

日 山陵禮成著封繇德爲鎮國公前往 泰陵 泰東陵侍奉
貝子弘曠著卽回京所有弘曠住宅原係官爲建造應卽給與繇
德居住繇德係朕長孫茲令其祇奉 皇考 皇妣陵寢於理爲
宜至伊昨歲曾獲罪愆因將伊王爵令繇德承襲今伊公爵仍係
推 聖母慈愛之心伊務宜倍加敬慎承受恩澤毋負朕教育成
全至意○己亥 上還居圓明園○庚子 上詣 九經三事殿
大行皇太后梓宮前供奠諸王大臣懇請開一二日行禮不允
○壬寅諭軍機大臣等上年金川大功告成所有該處地界經將
軍等繪圖奏明歸入版圖安屯耕種原應如是辦理茲朕檢閱平
定金川方略內如從前綽斯甲布布拉克底巴旺黨壩等各土司
卽有被金川侵占地地方此時以我大軍之力全境掃平前金川所
吞鄰境尺寸莫非我土但念該土司等數年以來跟隨打仗守卡